

III. OUTRAS DISPOSICIÓNS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Resolución do 20 de xullo de 2009, da Secretaría Xeral da Igualdade, pola que se fai pública a concesión dunha bolsa de formación en planificación e prospectiva en materia de igualdade de oportunidades no ámbito da ciencia, convocada pola Orde do 27 de febreiro de 2009.

A orde da Vicepresidencia da Igualdade e do Benestar do 27 de febreiro de 2009 (DOG do 18 de marzo) aproba as bases reguladoras e procede á convocatoria pública para a concesión dunha bolsa de formación en planificación e prospectiva en materia de igualdade de oportunidades no ámbito da ciencia.

Na súa virtude, e tendo en conta a proposta da comisión de valoración prevista no artigo 9 das bases da convocatoria, esta secretaría xeral

RESOLVE:

Primeiro.-Ordenar a publicación no *Diario Oficial de Galicia* dos datos da persoa beneficiaria da bolsa, os cales se achegan en anexo.

Segundo.-No caso de producirse a renuncia da persoa beneficiaria, de acordo co establecido no artigo 10 da orde de convocatoria, adxudicárase a bolsa á/a candidata/o que corresponda, segundo a orde de puntuación, das/dos que figuran na listaxe de reserva incluída no anexo.

Santiago de Compostela, 20 de xullo de 2009.

Marta González Vázquez
Secretaria xeral da Igualdade

ANEXO

NIF	Adxudicataria	Importe
77403140 K	María Teresa Piñeiro Otero	6.060,48 €

Listaxe de reserva

Número	NIF	Nome
1	44835704X	Rebeca Lueiro Gerpe
2	36120130X	Ana Isabel Dapena Sieiro

CONSELLERÍA DO MEDIO RURAL

Orde do 6 de agosto de 2009 pola que se regulan e se convocan as subvencións de apoio á viabilidade das explotacións leiteiras galegas.

A situación actual do sector lácteo galego, sometido á presión de prezos elevados para os alimentos do

gando e do abaratamento dos prezos percibidos pola súa produción, provoca unha difícil situación nas explotacións leiteiras.

Particularmente afectadas están as explotacións en proceso de reestruturación, que fixeron un esforzo por redimensionaren a súa capacidade produtiva mediante a realización de investimentos en compra de cota ou na mellora dos seus medios de produción e que, en moitos casos, se viron obrigadas a contraer obrigas con entidades bancarias que teñen dificultades de cumprir pola diminución anormal dos prezos do mercado do leite.

Na liña de posibilitar liquidez para estas explotacións, no 1 de xuño pasado publicouse a Orde do 29 de maio pola que se convocaban axudas á bonificación de custos financeiros dos préstamos formalizados para a disposición por parte dos gandeiros dos importes dos pagamentos de axudas ás explotacións leiteiras galegas. Ademais tamén, e dentro da liña de fornecer liquidez ás explotacións, o pasado 25 de xuño publicouse a resolución do Igape pola que se modifican as bases reguladoras das liñas de apoio ao acceso e adecuación do financiamento das pequenas e medianas empresas, para que poidan acceder a estas axudas, explotacións e SAT e cooperativas leiteiras, en condicións de xuros financiados pola Consellería do Medio Rural.

Aínda así, o apoio non é suficiente para paliar a situación en que se encontra o sector lácteo. Cómpre posibilitar o mantemento da viabilidade das explotacións lácteas incentivando os esforzos investidores daqueles produtores que contribuíron ao dimensionamento das súas explotacións mediante a adquisición de cotas lácteas.

As medidas reguladas nesta orde réxense polo réxime establecido na Lei 9/2007, do 13 de xuño, de subvencións de Galicia, aínda que acolléndose expresamente ao procedemento de concesión mediante rateo, conforme o previsto no artigo 19.3º da dita lei.

Pola súa banda, estas axudas outorgáranse ao amparo do disposto no Regulamento (CE) nº 1535/2007, da Comisión, do 20 de decembro de 2007, relativo á aplicación dos artigos 87 e 88 do Tratado CE ás axudas *de minimis* no sector da produción dos produtos agrícolas, quedando condicionadas polo establecido na normativa comunitaria sobre esta materia.

En consecuencia, e en virtude das facultades que me confire o artigo 14º da Lei 9/2007, do 13 de xuño, de subvencións de Galicia,

DISPOÑO:

Artigo 1º.-*Obxecto e finalidade.*

1. O obxecto desta orde é establecer as bases reguladoras e convocar axudas en réxime de concorrencia competitiva polo sistema de rateo, destinadas aos

titulares de explotacións de vacún de leite na Comunidade Autónoma de Galicia.

2. As axudas contempladas nesta orde teñen como finalidade apoiar a viabilidade das explotacións leiteiras nunha situación xeral de custos de produción elevados e prezos de leite baixos.

Artigo 2º.-Beneficiarios e requisitos.

1. Poderán ser beneficiarios destas axudas os titulares de explotacións leiteiras que cumpran os seguintes requisitos:

a) Que sexan titulares dunha explotación con cantidade de referencia para a produción de leite a 31 de marzo de 2009.

b) Que estean a realizar entregas de leite na campaña actual, 2009/2010.

c) Non ter sido sancionado polo incumprimento da normativa vixente en materia de calidade do leite cru, nos tres anos anteriores ao 2009.

d) Que, estando acollido a un programa de calidade do leite, non se detectaran incumprimentos sobre os controis realizados sobre o terreo, dando lugar á exclusión das axudas do pagamento adicional lácteo 2008.

2. Quedan excluídas destas axudas aquelas explotacións con reiterado incumprimento, durante 5 meses, das exixencias establecidas no capítulo I, sección IX do anexo II do Regulamento 853/2004 do Parlamento Europeo e do Consello, de requisitos sanitarios para a produción de leite cru, hixiene das explotacións produtoras de leite e criterios relativos ao leite cru.

3. Cando unha explotación leiteira das previstas no punto anterior pertenza a varias persoas integradas nunha comunidade de bens ou sociedade civil, poderá resultar esta beneficiaria da axuda, coa condición de que cumpra os requisitos exixidos para iso, así como as exixencias previstas para estas agrupacións no artigo 8.3º da Lei 9/2007, do 13 de xuño, de subvencións de Galicia, polo que deberán facer constar expresamente, segundo o modelo do anexo III desta orde, os compromisos de execución asumidos por cada membro da agrupación, así como o importe de subvención que se vai aplicar por cada un deles, que terán igualmente a consideración de beneficiarios. Deberán nomear un representante ou apoderado único con poder suficiente para cumprir as obrigas que como beneficiario lle correspondan á agrupación e non poderá disolverse a agrupación ata que transcorra o prazo de prescrición de catro anos do artigo 35 da citada Lei de subvencións de Galicia.

Artigo 3º.-Tipo de axuda.

1. As axudas establecidas nesta orde consistirán nunha subvención aos titulares de explotacións leiteiras que cumpran os requisitos establecidos no artigo 2.1º desta orde. Para a determinación do

importe unitario, que poderá chegar ata 1 céntimo por quilo, procederase ao rateo do importe global da dispoñibilidade orzamentaria prevista nesta orde entre os quilos de cota dispoñible, a 31 de marzo de 2009, polos solicitantes. O importe unitario resultante por quilo de cota repartirase entre os beneficiarios en función dos quilos de cota dispoñible polo solicitante a 31 de marzo de 2009, cun importe máximo de 7.500 euros.

2. A concesión das axudas realizarase polo procedemento de rateo, conforme o previsto no artigo 19.3º da Lei 9/2007, do 13 de xuño, de subvencións de Galicia.

3. Estas axudas outorgaranse ao amparo do disposto no Regulamento (CE) nº 1535/2007, da Comisión, do 20 de decembro de 2007, relativo á aplicación dos artigos 87 e 88 do Tratado CE ás axudas *de minimis* no sector da produción dos produtos agrícolas, quedando condicionadas polo establecido na normativa comunitaria sobre esta materia.

Artigo 4º.-Contía da axuda.

A Dirección Xeral de Producción Agropecuaria, analizadas as solicitudes recibidas, establecerá o importe unitario de axuda por quilo de cota dispoñible no 31 de marzo de 2009 conforme o método establecido no punto 1 do artigo 3, e calculará a axuda que corresponda a cada beneficiario.

Para o cálculo da subvención utilizarase a información dispoñible na Consellería do Medio Rural.

Artigo 5º.-Solicitudes e documentación.

1. A solicitude de axuda presentarase de acordo co modelo do anexo I e dirixirse ao conselleiro do Medio Rural. Presentaranse preferentemente na Oficial Agraria Comarcal da zona da explotación ou do modo previsto no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

2. A presentación da solicitude comporta o compromiso de facilitar a documentación complementaria que se poida requirir, así como de permitir as comprobacións e inspeccións que para o efecto esta Administración considere oportunas. Así mesmo, leva consigo a autorización ao órgano xestor da axuda de solicitar as certificacións que deban emitir a Axencia Estatal da Administración Tributaria, a Tesouraría Xeral da Seguridade Social e a Consellería de Facenda da Xunta de Galicia, segundo o disposto no artigo 20.3º da Lei 9/2007, do 13 de xuño, de subvencións de Galicia. Non obstante, a persoa solicitante ten a posibilidade de denegar expresamente o consentimento, debendo presentar entón as certificacións nos termos previstos no número 3, alínea c) deste artigo.

3. A solicitude irá acompañada da seguinte documentación:

a) Certificado da entidade bancaria acreditativo da conta para a domiciliación dos pagamentos, no caso de ser distinta da impresa na presolicitude.

b) No caso de persoas xurídicas, copia do documento de constitución da sociedade e dos estatutos e certificado expedido polo órgano xestor da sociedade en que conste o acordo de solicitar a axuda e a identidade da persoa autorizada para solicitala.

c) No caso de denegar o consentimento a que se refire o número 2 deste artigo, deberá presentar, ademais, a xustificación de estar ao día no pagamento das obrigas tributarias e o certificado acreditativo de estar ao día das obrigas tributarias coa Tesouraría Xeral da Seguridade Social.

d) Declaración de cumprimento de requisitos para obter a condición de beneficiario do artigo 10 da Lei 9/2007, do 13 de xuño, de subvencións, de Galicia, e declaración do conxunto de todas as axudas *de minimis* por calquera concepto concedidas ao solicitante polas distintas administracións públicas competentes, durante o período dos 2 exercicios fiscais anteriores á data de presentación desta solicitude e no exercicio fiscal en curso, segundo o modelo que figura no anexo II.

e) No caso de comunidades de bens e sociedades civís, declaración de porcentaxe de execución de compromisos e de subvención, segundo o modelo que figura no anexo III.

4. De acordo co disposto no artigo 35 f) da Lei 30/1992, de réxime xurídico das administracións públicas e do procedemento administrativo común, non será necesario presentar a documentación que xa se encontre en poder da consellería, sempre que se manteña vixente e se identifique o procedemento administrativo para que foi presentada. No suposto de imposibilidade material de obter a documentación, ou no caso de que se constate a non validez desta, o órgano competente poderá requirir ao solicitante a súa presentación ou, na súa falta, a acreditación por outros medios dos requisitos a que se refire o documento.

5. Se a solicitude non estiver debidamente cuberta ou non se achegar a documentación exixida, o órgano administrativo encargado da tramitación do expediente, de conformidade co disposto no artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común, requirirá o interesado para que, nun prazo máximo e improrrogable de 10 días, emende a falta ou presente os documentos preceptivos, coa advertencia de que, se así non o fixer, se considerará desistido da súa petición, logo de resolución,

que deberá ser ditada nos termos previstos no artigo 42 da antedita lei.

Artigo 6º.-Prazo de presentación de solicitudes.

As solicitudes de axuda presentaranse no prazo dun mes, contado a partir do día seguinte ao da publicación desta orde no *Diario Oficial de Galicia*. Entenderase como último día do prazo o correspondente ao mesmo ordinal do día da publicación. Se o último día do prazo for inhábil, entenderase prorrogado ao primeiro día hábil seguinte e, se no mes de vencemento non houber día equivalente ao inicial do cómputo, entenderase que o prazo expira o último do mes.

Artigo 7º.-Tramitación e resolución.

1. O órgano encargado da tramitación dos expedientes é a Dirección Xeral de Produción Agropecuaria. Unha vez comprobados os requisitos do solicitante pola Dirección Xeral de Produción Agropecuaria, de acordo co previsto no artigo 3º desta orde, elevará a proposta de resolución ao conselleiro en canto que o órgano encargado da resolución das axudas.

2. Na resolución de concesión de axuda farase constar a contía da axuda concedida e indicarse o seu carácter *de minimis*, de conformidade co Regulamento (CE) nº 1535/2007.

Na resolución denegatoria de axuda farase constar o motivo da denegación.

A resolución notificaráselles aos interesados no prazo de dez días a partir da data en que se dite.

No suposto previsto no parágrafo segundo do artigo 15º desta orde, ditaranse resolucións complementarias cos incrementos correspondentes.

Artigo 8º.-Notificación, silencio administrativo e recursos.

1. A resolución do conselleiro esgota a vía administrativa. O prazo máximo para notificar a resolución do procedemento será de tres meses a partir da publicación desta orde. Se transcorre o citado prazo máximo sen ser ditada resolución expresa polo órgano competente, os interesados poderán entender desestimadas as súa solicitudes, de acordo co establecido na Lei 9/2007, de subvencións de Galicia.

2. Contra a resolución poderase interpoñer recurso contencioso-administrativo perante o Tribunal Superior de Xustiza de Galicia, no prazo de dous meses contados a partir do día seguinte á recepción da notificación da resolución. Potestativamente, poderase interpoñer recurso de reposición ante o conselleiro no prazo dun mes a partir do día seguinte á recepción da notificación da resolución, segundo o disposto nos artigos 116 e 117 da Lei de réxi-

me xurídico das administracións públicas e do procedemento común.

Artigo 9º.-*Publicación.*

1. A resolución publicarase nos termos previstos no artigo 15 da Lei 9/2007, do 13 de xuño, de subvencións de Galicia, e no artigo 13.4º da Lei 4/2006, do 30 de xuño, de transparencia e boas prácticas na Administración pública galega, expresando o beneficiario, a finalidade, a contía e a aplicación orzamentaria, polo que a presentación da solicitude de axuda leva implícita a autorización para o tratamento necesario dos datos do beneficiario e da súa publicación nos citados medios.

2. De conformidade cos números 3º e 4º do artigo 13 da Lei 4/2006, do 30 de xuño, de transparencia e boas prácticas na Administración pública galega, e co previsto no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, a Consellería do Medio Rural publicará no *Diario Oficial de Galicia* e na súa páxina web oficial a relación dos beneficiarios e o importe das axudas concedidas ao abeiro desta orde; e incluirá, igualmente, as referidas axudas e as sancións que, como consecuencia delas, puideren impoñerse, nos correspondentes rexistros públicos, polo que a presentación da solicitude leva implícita a autorización para o tratamento necesario dos datos persoais dos beneficiarios e a referida publicidade.

Artigo 10º.-*Xustificación e pagamento da subvención.*

Tendo en conta a natureza e fins das axudas reguladas nesta orde, non se precisa de prazo de xustificación da subvención por parte do beneficiario xa que todos os datos necesarios están en poder da administración. O pagamento da subvención realizarase mediante transferencia bancaria á conta indicada polo solicitante na súa solicitude de axuda.

Artigo 11º.-*Modificacións.*

1. Toda alteración das condicións tidas en conta para a concesión da axuda e, en todo caso, a obtención concorrente de subvencións ou axudas outorgadas por outras administracións ou entes públicos ou privados, poderá dar lugar á modificación da resolución de concesión ou á súa revogación, nos termos previstos na Lei 9/2007, do 13 de xuño, de subvencións de Galicia.

2. O beneficiario queda obrigado a comunicar á Consellería do Medio Rural calquera circunstancia ou eventualidade que poida afectar substancialmente a execución dos fins para que foi concedida a axuda. En particular, deberá remitir unha declaración complementaria das axudas *de minimis* no

momento en que sexa comunicada calquera concesión.

Artigo 12º.-*Réxime de reintegros, infraccións, sancións e responsabilidades.*

O réxime de reintegros, infraccións, sancións e responsabilidades aplicables será o regulado na Lei 9/2007, do 13 de xuño, de subvencións de Galicia e na súa normativa de desenvolvemento.

Artigo 13º.-*Control.*

1. Os beneficiarios da axuda quedan obrigados a someterse ás actuacións de control que efectúe a Consellería do Medio Rural para verificar o cumprimento dos requisitos e finalidades das axudas acollidas a estas bases.

2. O beneficiario queda obrigado a facilitar toda a información que lle sexa requirida pola Intervención Xeral da Comunidade Autónoma, o Consello de Contas e o Tribunal de Contas no exercicio das súas funcións de fiscalización e control.

Artigo 14º.-*Compatibilidade.*

As axudas previstas nesta orde serán compatibles con outras que polos mesmos conceptos poidan conceder outras administracións públicas.

Artigo 15º.-*Financiamento.*

As axudas reguladas nesta orde faranse efectivas con cargo á aplicación orzamentaria 49.02.712B.772.0 dos orzamentos xerais da Comunidade Autónoma de Galicia, por un importe de 12.000.000 euros.

A dita cantidade poderá ser incrementada con fondos adicionais procedentes desta ou outras administracións, tendo en conta o disposto no artigo 30 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

Disposición adicional

Única.-Nos aspectos non regulados nesta orde, observarase ao disposto na Lei 9/2007, do 14 de xuño, de subvencións de Galicia, e na súa normativa de desenvolvemento.

Disposicións derradeiras

Primeira.-Facúltase o director xeral de Producción Agropecuaria para ditar as instrucións precisas para o desenvolvemento e execución desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 6 de agosto de 2009.

Samuel Jesús Juárez Casado
Conselleiro do Medio Rural



XUNTA DE GALICIA
CONSELLERÍA DO MEDIO RURAL

ANEXO I

PROCEDEMENTO AXUDAS DE APOIO Á VIABILIDADE DAS EXPLOTACIÓNS LEITEIRAS GALEGAS	CÓDIGO DO PROCEDEMENTO MR258A	DOCUMENTO SOLICITUDE
---	---	--------------------------------

I. DATOS DO/DA SOLICITANTE

APELIDOS E NOME/RAZÓN SOCIAL		NIF/CIF	
REPRESENTANTE		NIF/CIF	
ENDEREZO (LUGAR/RÚA OU PRAZA, NÚMERO, ETC.)		PROVINCIA	CONCELLO
LOCALIDADE	CÓDIGO POSTAL	TELÉFONO	MÓBIL
CORREO ELECTRÓNICO			
<p>O abaixo asinante, SOLICITA</p> <p>Que de acordo coa orde da Consellería do Medio Rural do ___ de xullo de 2009 pola que se regulan e convocan as subvencións de apoio á viabilidade das explotacións leiteiras galegas lle sexa concedida a correspondente axuda pola cota leiteira que ten asignada a 31 de marzo de 2009, en base aos datos que figuran a seguir:</p>			
	Dato que consta nas bases de datos da Consellería do Medio Rural		Dato corrixido (só no caso de erro na anterior cantidade)
Cota asignada a 31/3/09	<input type="checkbox"/> [] kg	kg	<input type="checkbox"/> [] kg
<i>(risquese cunha cruz o que proceda)</i>			

II. DATOS BANCARIOS

NOME ENTIDADE			
ENTIDADE	SUCURSAL	DC	NÚMERO DE CONTA

III. DOCUMENTACIÓN QUE SE XUNTA (en orixinal ou copia cotexada)

<input type="checkbox"/>	DECLARACIÓN DE CUMPRIMENTO DOS REQUISITOS PARA OBTENER A CONDICIÓ DE BENEFICIARIO E DECLARACIÓN DO CONXUNTO DE TODAS AS AXUDAS DE MÍNIMIS POR CALQUERA CONCEPTO CONCEDIDAS AO SOLICITANTE POLAS DISTINTAS ADMINISTRACIÓNS PÚBLICAS COMPETENTES, DURANTE O PERÍODO DOS 3 ANOS ANTERIORES Á DATA DE PRESENTACIÓN DESTA SOLICITUDE, SEGUNDO O MODELO QUE FIGURA NO ANEXO II.
<input type="checkbox"/>	NO CASO DE PERSOAS XURÍDICAS COPIA COMPULSADA DO DOCUMENTO DE CONSTITUCIÓN DA SOCIEDADE E DOS ESTATUTOS E CERTIFICADO EXPEDIDO POLO ÓRGANO XESTOR DA SOCIEDADE EN QUE CONSTE O ACORDO DE SOLICITAR A AXUDA E A IDENTIDADE DA PERSOA AUTORIZADA PARA SOLICITALA.
<input type="checkbox"/>	NO CASO DE COMUNIDADES DE BENS OU SOCIEDADES CIVÍS, COMPROMISOS DE EXECUCIÓN ASUMIDOS POR CADA MEMBRO DA GRUPACIÓN E A PORCENTAXE DA SUBVENCIÓN QUE SE LLE VAI APLICAR A CADA UN DELES, SEGUNDO O MODELO QUE FIGURA NO ANEXO III.
<input type="checkbox"/>	CERTIFICADO DA CONTA BANCARIA (só no caso de ser distinta á impresa na presolicitude).

Quen subscribe coñece e acepta as condicións xerais destas axudas reguladas na orde da Consellería do Medio Rural do ___ de xullo de 2009 pola que se regulan e convocan as subvencións de apoio á viabilidade das explotacións leiteiras, e DECLARA BAIXO A SÚA RESPONSABILIDADE que todos os datos que figuran nesta solicitude son certos, e acepta que son necesarios para a tramitación do expediente de referencia, e que a consecuencia da falsidade dalgún deles dará lugar ás responsabilidades exixibles legalmente. Igualmente o solicitante DECLARA formalmente non estar suxeito a ningunha sanción que o inhabilite para a obtención de axudas públicas.

Así mesmo, AUTORIZA a Consellería do Medio Rural para que solicite da Axencia Estatal da Administración Tributaria, da Consellería de Facenda, e da Seguridade Social, a información a que se refire o artigo 20.3º da Lei 9/2007, do 13 de xuño, de subvencións de Galicia, en relación co cumprimento por parte do solicitante das obrigas tributarias estatais e autonómicas, as obrigas coa Seguridade Social e de ausencia doutras débedas coa comunidade autónoma.

De conformidade co artigo 15 da Lei 9/2007, do 13 de xuño, de subvencións de Galicia, e cos números 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública galega, e co previsto no Decreto 132/2006, do 27 de xuño, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, a Consellería do Medio Rural publicará no *Diario Oficial de Galicia* e na súa páxina web oficial a relación dos beneficiarios e o importe das axudas concedidas ao amparo destas bases; e incluírá igualmente as referidas axudas e as sancións que, como consecuencia delas, puideren impoñerse, nos correspondentes rexistros públicos, polo que a presentación da solicitude leva implícita a autorización para o tratamento necesario dos datos persoais dos beneficiarios e a referida publicidade.

O solicitante AUTORIZA o tratamento necesario dos seus datos como beneficiario da axuda concedida ao abeiro destas bases e a súa cesión coa finalidade de publicalos nas páxinas webs oficiais da Consellería do Medio Rural da Xunta de Galicia.

Do mesmo xeito coñece e ACEPTA que estes datos sexan incorporados a un ficheiro automatizado debidamente inscrito na Axencia Estatal de Protección de Datos. Poderanse exercer os dereitos de acceso, cancelación ou rectificación e oposición, poñéndose en contacto mediante carta dirixida ao conselleiro do Medio Rural, San Caetano, s/n, CP 15781, Santiago de Compostela.

LEXISLACIÓN APLICABLE <i>Orde do 6 de agosto de 2009 pola que se regulan e convocan as subvencións de apoio á viabilidade das explotacións leiteiras galegas</i>	(Para cubrir pola Administración)	NÚMERO DE EXPEDIENTE
SINATURA DO/A SOLICITANTE OU PERSOA QUE O REPRESENTA	RECIBIDO	DATA DE ENTRADA
	REVISADO E CONFORME	DATA DE EFECTOS
		DATA DE SAÍDA

Conselleiro do Medio Rural

San Caetano, s/n – 15781 Santiago de Compostela

**DECLARACIÓN**

Don/Dona con DNI nº
 en nome e representación de con NIF/CIF nº

DECLARA BAIXO A SÚA RESPONSABILIDADE:

- Que, solicitou e/ou obtivo as axudas *de minimis* que se relacionan a seguir:

	ORGANISMO E ANO	IMPORTE	DISPOSICIÓN REGULADORA
Axudas <i>de minimis</i> dos 3 exercicios anteriores	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>

Así mesmo, comprométese a comunicar inmediatamente cantas axudas solicite e/ou obteña en réxime de *de minimis* doutras administracións públicas ou doutros entes públicos, nacionais ou internacionais, a partir da data desta declaración.

- Para os efectos do previsto no artigo 13 da Lei 38/2003, do 17 de novembro, xeral de subvencións, e no artigo 10 da Lei 9/2007, do 13 de xuño, de subvencións de Galicia, o solicitante declara que:

- NON FOI CONDENADO POR SENTENZA FIRME Á PENA DE PERDA DA POSIBILIDADE DE OBTENIR SUBVENCIÓNS OU AXUDAS PÚBLICAS.
- NON SOLICITOU A DECLARACIÓN DE CONCURSO, NON FOI DECLARADO INSOLVENTE OU EN CONCURSO NIN ESTÁ SUXEITO A INTERVENCIÓN XUDICIAL NIN INHABILITADO CONFORME A LEI CONCURSAL.
- NON DEU LUGAR, POR CAUSA DE QUE O TIVISEN DECLARADO CULPABLE, Á RESOLUCIÓN FIRME DE CALQUERA CONTRATO CELEBRADO COA ADMINISTRACIÓN.
- A PERSOA FÍSICA, OS ADMINISTRADORES OU O REPRESENTANTE LEGAL, SEGUNDO O CASO, DO SOLICITANTE, NON ESTÁN INCURSOS EN NINGUNHA DAS CAUSAS DE INCOMPATIBILIDADE ESTABLECIDAS NA NORMATIVA VIXENTE.
- ENCÓNTRASE AO DÍA NAS SÚAS OBRIGAS FISCAIS, NO PAGAMENTO DE COTAS Á SEGURIDADE SOCIAL E NON TEN CONTRAÍDA DÉBEDA NINGUNHA COA COMUNIDADE AUTÓNOMA GALEGA.
- NON TEN RESIDENCIA FISCAL NUN PAÍS OU TERRITORIO CUALIFICADO REGULAMENTARIAMENTE COMO PARAÍSO FISCAL.
- ESTÁ AO DÍA NO PAGAMENTO DAS OBRIGAS POR REINTEGRO DE SUBVENCIÓN.
- NON FOI SANCIONADO MEDIANTE RESOLUCIÓN FIRME COA PERDA DA POSIBILIDADE DE OBTENIR SUBVENCIÓNS SEGUNDO A LEI XERAL DE SUBVENCIÓNS E A LEI DE SUBVENCIÓNS DE GALICIA OU A LEI XERAL TRIBUTARIA.

Así mesmo, para os efectos do previsto no artigo 2 da Orde do 6 de agosto pola que se regulan e convocan as subvencións de apoio á viabilidade das explotacións leiteiras galegas, o solicitante declara:

- QUE ESTÁ REALIZANDO ENTREGAS DE LEITE NA CAMPAÑA ACTUAL (2009-2010).
- NON TER SIDO SANCIONADO POLO INCUMPRIMENTO DA NORMATIVA VIXENTE EN MATERIA DE CALIDADE DO LEITE CRU, NOS TRES ANOS ANTERIORES AO 2009.
- QUE PARTICIPA NUN PROGRAMA DE CALIDADE DO LEITE, E NON SE LLE DETECTARON INCUMPRIMENTOS SOBRE EL EN NINGÚN CONTROL OFICIAL REALIZADO SOBRE O TERREO.

E para que así conste para os efectos de solicitar as subvencións de apoio á viabilidade das explotacións leiteiras galegas, asina esta declaración no lugar e data abaixo indicados.

_____, de _____ de 2009

(Sinatura)



XUNTA DE GALICIA
CONSELLERÍA DO MEDIO RURAL

ANEXO III

Don/Dona con DNI nº
 en nome e representación da comunidade de bens/sociedade civil
 con NIF/CIF nº

DECLARA BAIXO A SÚA RESPONSABILIDADE:

- Que os membros que integran a comunidade de bens/sociedade civil son os que se relacionan na seguinte táboa; a porcentaxe de execución asumida por cada membro da comunidade de bens/sociedade civil e a porcentaxe de subvención que se lle vai aplicar a cada un deles son as que se indican a seguir:

NIF	NOME OU RAZÓN SOCIAL	% EXECUCIÓN	%SUBVENCIÓN
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>

E para que así conste para os efectos de solicitar as subvencións de apoio á viabilidade das explotacións leiteiras galegas, asina esta declaración no lugar e data abaixo indicados.

_____, de _____ de 2009
 (Sinatura)

IV. OPOSICIÓN E CONCURSOS

CONSELLERÍA DE PRESIDENCIA, ADMINISTRACIÓN PÚBLICAS E XUSTIZA

Orde do 30 de xullo de 2009 pola que se anuncia convocatoria pública para a provisión, polo sistema de libre designación, dun posto de traballo vacante na Asesoría Xurídica Xeral da Xunta de Galicia-Gabinetes Xurídicos (Gabinete Territorial de Ourense).

De conformidade co establecido no artigo 29.2º do Decreto legislativo 1/2008, do 13 de marzo, polo que se aproba o texto refundido da Lei da función pública de Galicia, e no artigo 16 do Decreto 93/1991, do 20 de marzo, polo que se aproba o Regulamento de provisión de postos de traballo, promoción profesional e promoción interna, e no uso das atribucións conferidas polo artigo 17.4º da mesma lei, esta consellería,

DISPÓN:

Primeiro.-Anunciar a convocatoria para cubrir, polo sistema de libre designación, o posto de traballo que se indica no anexo I desta orde.

Segundo.-Poderán concorrer a ela os/as funcionarios/as de carreira que reúnan as condicións que para o posto de traballo se sinalan no anexo I.

Terceiro.-As solicitudes para participar nesta convocatoria presentaranse no rexistro xeral da Consellería de Presidencia, Administracións Públicas e Xustiza, sita nos edificios administrativos de San Caetano, núm. 1, Santiago de Compostela, nas súas delegacións provinciais ou nas oficinas previstas no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común, no prazo de 15 días contados a partir do seguinte ao da publicación desta orde no *Diario Oficial de Galicia*, segundo o modelo que se inclúe como anexo II.

Cuarto.-Os/as aspirantes deberán unir á súa solicitude un *curriculum vitae* xustificando documentalmente os méritos que aleguen.

Os méritos alegados e non probados da maneira sinalada no parágrafo anterior non se terán en conta.

Quinto.-No caso de que resulte seleccionado/a para ocupar o posto de traballo que se cita no anexo I desta orde, un/ha funcionario/a con destino noutras administracións, requirirase o informe favorable do departamento onde preste servizos, considerándose favorable de non